



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Ո Ր Ո Շ ՈՒ Մ

18 հուլիսի 2019 թվականի 98- Ա

ՀՀ ՏԱՎՈՒՇԻ ՄԱՐԶԻ ԲՆԱԿՉՈՒԹՅԱՆ ԶԲԱՂՎԱԾՈՒԹՅԱՆ ՀԱՐՅԵՐԸ ՀԱՄԱԿԱՐԳՈՂ ՄԱՐԶԱՅԻՆ ՀԱՆՁՆԱԺՈՂՈՎ ՍՏԵՂԾԵԼՈՒ ՄԱՍԻՆ

Ղեկավարվելով ՀՀ կառավարության 19.09.2002թ. թիվ 1796-Ն որոշման հավելված 1-ի 1-ին կետով

Ո Ր Ո Շ ՈՒ Մ եմ.

1. Մարզի բնակչության զբաղվածությանն ուղղված ծրագրերի արդյունավետության բարձրացման նպատակով ստեղծել Զբաղվածության հարցերը համակարգող մարզային հանձնաժողով հետևյալ կազմով.

Թաթուլ Ստեփանյան	- հանձնաժողովի նախագահ, ՀՀ Տավուշի մարզպետի տեղակալ,
Արթակ Գրիգորյան Ռուբեն Տիգրանյան	- ՀՀ Տավուշի մարզպետի խորհրդական, - ՀՀ Տավուշի մարզպետարանի աշխատակազմի առողջապահության և սոցիալական ապահովության վարչության պետ,
Նարինե Ճաղարյան	- հանձնաժողովի քարտուղար, ՀՀ Տավուշի մարզպետարանի աշխատակազմի առողջապահության և սոցիալական ապահովության վարչության գլխավոր մասնագետ,
Մեսրոպ Մխիթարյան	- ՀՀ ԱՍՀՆ աշխատակազմի զբաղվածության պետական գործակալության Իջևանի տարածքային կենտրոնի տնօրեն,
Կարեն Հովհաննիսյան	- ՀՀ ԱՍՀՆ աշխատակազմի զբաղվածության պետական գործակալության Դիլիջանի տարածքային կենտրոնի տնօրենի ժ/պ.,,
Մարտին Ապրեսյան	- ՀՀ ԱՍՀՆ աշխատակազմի զբաղվածության պետական գործակալության Բերդի տարածքային կենտրոնի տնօրեն,
Սամվել Բուդաղյան	- ՀՀ ԱՍՀՆ աշխատակազմի զբաղվածության պետական գործակալության Իջևանի տարածքային կենտրոնի տնօրեն,

Հասմիկ Ազիբեկյան
Արմինե Ներսիսյան
Լուսինե Աղաբաբյան
Շուշան Սահակյան

- ,, CCD Territorial Cooperation,, ՀԿ-ի նախագահ
- ,,Հուլիսի կամուրջ,, ՀԿ-ի Իջևանի մասնաճյուղի նախագահ,
- ՀՕՖ-ի Բերդի գրասենյակի ղեկավար
- ,, Երիտասարդական գաղափարներ,, ՀԿ -ի նախագահ

2. Հաստատել հանձնաժողովի աշխատակարգը՝ համաձայն հավելվածի:

Հ.ՉՈՐԱՆՅԱՆ

22.07.2019



2019թ. հուլիսի 18
թ. Իջևան

ԱՇԽԱՏԱԿԱՐԳ

ՀՀ ՏԱՎՈՒՇԻ ՄԱՐԶԻ ԲՆԱԿՉՈՒԹՅԱՆ ԶԲԱՂՎԱԾՈՒԹՅԱՆ ՀԱՐՑԵՐԸ ՀԱՄԱԿԱՐԳՈՂ ՄԱՐԶԱՅԻՆ ՀԱՆՁՆԱԺՈՂՈՎԻ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոնադրությունը սահմանում է բնակչության զբաղվածության հարցերը համակարգող հանձնաժողովի (այսուհետ՝ հանձնաժողով) գործունեության կարգը:
2. Հանձնաժողովը գործում է հասարակական հիմունքներով:
3. Հանձնաժողովն իր գործունեությունն իրականացնում է Հայաստանի Հանրապետության օրենսդրությանը և սույն կանոնադրությանը համապատասխան:

II. ՀԱՆՁՆԱԺՈՂՈՎԻ ՆՊԱՏԱԿԸ

4. Հանձնաժողովի նպատակն է՝
 - 1) ապահովել Ձբաղվածության կարգավորման ամենամյա պետական ծրագրով նախատեսված ծրագրերի իրականացման հասցեականությունը և արդյունավետությունը,
 - 2) իր իրավասության շրջանակներում համակարգել մարզում պետական և ոչ պետական կազմակերպությունների կողմից մարզի համայնքներում իրականացվող, բնակչության զբաղվածության հարցերին ուղղված ծրագրերը,
 - 3) Աջակցել մարզի տարածքում գործող տեղական, միջազգային կազմակերպությունների և բարերարների կողմից իրականացվող, բնակչության զբաղվածությունն ապահովող ծրագրերի իրականացմանը, ապահովել գործազուրկների և աշխատանք փնտրողների նպատակային ուղղորդումը:

III. ՀԱՆՁՆԱԺՈՂՈՎԻ ԳՈՐԾԱՌՈՒՅԹՆԵՐԸ

5. Հանձնաժողովի գործառույթներն են՝
 - 1) քննարկել հանձնաժողով ներկայացված ծրագրերը,
 - 2) ուսումնասիրել և քննարկել ամենամյա պետական ծրագրերը, մշակել և լիազոր մարմին ներկայացնել փոփոխություններ կամ առաջարկություններ ներկայացված նախագծերում,
 - 4) ապահովել իրականացվող ծրագրերի հրապարակայնությունը:

IV. ՀԱՆՁՆԱԺՈՂՈՎԻ ԶԵՎԱՎՈՐՈՒՄԸ ԵՎ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄԸ

1. Հանձնաժողովն իր գործունեությունն իրականացնում է նիստերի միջոցով:
2. Հանձնաժողովի նիստերը հրավիրվում են ըստ անհրաժեշտության:
3. Հանձնաժողովի նիստն իրավազոր է, եթե նիստին մասնակցում են հանձնաժողովի անդամների ընդհանուր թվի կեսից ավելին:
4. Հանձնաժողովի նիստերը վարում է հանձնաժողովի նախագահը:

5. Հանձնաժողովի նախագահը՝

- 1) հրավիրում և վարում է հանձնաժողովի նիստերը,
- 2) ապահովում է հանձնաժողովի բնականոն գործունեությունը,
- 3) մասնակցում է որոշումների կայացման գործընթացին,
- 4) համակարգում է հանձնաժողովի աշխատանքը:

6. Հանձնաժողովի նախագահի բացակայության դեպքում նրան փոխարինում է հանձնաժողովի անդամներից որևէ մեկը՝ հանձնաժողովի որոշմամբ:

7. Հանձնաժողովի անդամը՝

- 1) մասնակցում է հանձնաժողովի նիստերին,
- 2) մասնակցում է որոշումների կայացման գործընթացին,
- 3) ծանոթանում է հանձնաժողովի նիստերի արձանագրություններին,
- 4) հանձնաժողովի կողմից կայացված որոշմանը դեմ քվեարկելու դեպքում կարող է հատուկ կարծիք ներկայացնել հանձնաժողով և Հայաստանի Հանրապետության աշխատանքի և սոցիալական հարցերի նախարարություն:

8. Հանձնաժողովի քարտուղարը՝

- 1) ապահովում է հանձնաժողովի նիստերի կազմակերպումը,
- 2) ապահովում է հանձնաժողովի նիստերի արձանագրությունների կազմումը, շրջանառում է այն և համակարգում հանձնաժողովի անդամների դիտողությունների ու առաջարկությունների քննարկման գործընթացը:

9. Հանձնաժողովի քարտուղարի բացակայության դեպքում նրան փոխարինում է հանձնաժողովի անդամներից որևէ մեկը՝ հանձնաժողովի նախագահի հանձնարարությամբ:

10. Հանձնաժողովը որոշումներն ընդունում է նիստին մասնակցած անդամների ձայների պարզ մեծամասնությամբ, ընդ որում՝ ձայների հավասար բաշխման դեպքում հանձնաժողովի նախագահի ձայնը վճռորոշ է:

11. Հանձնաժողովի հրավերով նիստերին կարող են մասնակցել պետական կառավարման և տեղական ինքնակառավարման մարմինների, հասարակական կամ այլ կազմակերպությունների և զանգվածային լրատվության միջոցների ներկայացուցիչներ:

21. Հանձնաժողովի գործունեությունը կարող է դադարեցվել Հայաստանի Հանրապետության օրենսդրությամբ սահմանված կարգով՝ ՀՀ Տավուշի մարզպետի կարգադրությամբ:

ՀՀ ՏԱՎՈՒՇԻ ՄԱՐԶՊԵՏԱՐԱՆԻ ԳԼԽԱՎՈՐ ՔԱՐՏՈՒԴԱՐ

Ա.ԳԵՎՈՐԳՅԱՆ

